

आकाशवाणी

- बिहार च नमीं सरकार दे गठन लेई एन.डी.ए च सियासी गतिविधियां तेज होई गेइयां न।
- केन्द्री गृह मंत्री अमित शाह होर अज्ज फरीदाबाद च उत्तर ज़ोनल काउंसल दी बैठक दी प्रधानता करडन।
- भारत अज्जै थमां शुरु होआ करदे दुबई एयर शो 2025 च अ॥नी रक्षा समर्थ ते ताकत दा प्रदर्शन करग।
- ब्रिटेन ने अ॥नी शरण ते इमिग्रेशन नीतिएं च आधुनिक दौर दे सबनें शा बड्डे बदलावे दी घोषणा कीती ऐ। शरणार्थिये गी स्थायी निवास लेई आवेदन करने थमां ाहले 20 बरे इंतज़ार करना होग।
- ते तीरअंदाजी च भारत दे कुशल दलाल होरे लक्समबर्ग च खेड्डी जा'रदी जी.टी ओ॥न इन्डोर वर्ल्ड सीरीज दा खिताब जिती लैता ऐ।

<><><><><><>

Bihar Govt. Formation

बिहार च नमीं सरकार दे गठन ॥र एन.डी.ए गठबंधन च राजनीतिक गतिविधियां तेज होई गेइयां न। ॥टना ते नमीं दिल्ली च एनडीए गठबंधन दे सदस्ये बश्कार विचार-विमर्श ते बैठके दा दौर जारी ऐ। कैबिनेट दे गठन ते मंत्रि॥रिषद् च बक्ख-बक्ख ॥टिये दे प्रतिनिधित्व सने केई मुद्दे ॥र चर्चा जारी ऐ। विधानसभा चुनाएं च भारती जनता ॥टी 89 सीटें कन्ने सबनें शा बड्डी ॥टी दे रू॥ च उभरी ऐ, जिसलै के चिराग ॥सवान हुं'दे नेतृत्व आहली लोक जनशक्ति ॥टी) रामविलास (ने 19 सीटां जितियां न, उत्थे गै हिन्दुदस्तांनी अवाम मोर्चा ने 5ते राश्ट्री लोक मोर्चा ने 4 सीटें हासल कीतीआं न। जनता दल यूनाइटेड विधायक दल अज्ज ॥टना च अ॥ना नेता चुनने आस्तै ॥टना च बैठक करग।

जनता दल यूनाइटेड दे नमें चुने गेदे 85 विधानसभा सदस्यें आसेआ आम सैहमति कन्ने नीतीश कुमार होरें'गी पार्टी दा नेता चुनने दी मेद ऐ। भारती जनता पार्टी बी अज्ज अने विधायक दल दे नेता दा चुनांस करग। एहदे एरैन्त एन.डी.ए दी बैठक दा आयोजन कीता जाहग। अज्ज गै एन.डी.ए दे नमें चुने गेदे विधानसभा सदस्यें दी बैठक दी बी मेद ऐ। एहदे एरैन्त एनडीए अने नेता दा चुनां करग ते नमीं सरकार दे गठन लेई दावा पेश करग। एहदे शा पहले, अज्ज मुखमंत्री नीतीश कुमार हुंदी अध्यक्षता च मजूदा सरकार दे मंत्रिपरिषद् दी अखीरली बैठक होग। इस बैठक च मजूदा मंत्रिपरिषद् गी भंग करने ते नमीं सरकार दे गठन दा प्रस्ताव पास कीता जाहग। एहदे एरैन्त मुखमंत्री नीतीश कुमार राज्यपाल होरें गी अना इस्तीफा सौपी देडन। तोआई, नमीं सरकार दे शपथ ग्रहण समारोह दिआं तैयारियां शुरू होई गेइयां न। एह समारोह एटना दे ऐतिहासिक गांधी मैदान च होग, जित्थे राज्यपाल आरिफ मोहम्मद खान नमें मुखमंत्री ते होरनें मंत्रियें गी संगंध चुकाडन। शपथ ग्रहण समारोह 20 नवंबर गी होने दी संभावना ऐ। तोआई, एटना जिला प्रशासन ने अज्जै थमां 20 नवंबर तगर गांधी मैदान गी आम सभा लेई बंद करी दिता ऐ।

<><><><><><>

Bihar Results- CEO

बिहार विधानसभा चुनाव दे नतीजें दी घोषणा दे 2 दिन मगरा बिहार दे मुख चुनां अधिकारी विनोद सिंह गुंजियाल होरें एटना दे राजभवन च राज्यपाल आरिफ मोहम्मद खान होरें गी नमें चुनोए दे 243 विधायकें दी सूचि सौपी। राज्य च विधानसभा चुनाव नतीजें दी घोषणा दे 2 दिन मगरा एह गैं टुट्टी गई। इस सूचि च एन.डी.ए दे 202- महागठबंधन दे 34- AIMIM Indian Inclusive Party ते बहुजन समाज पार्टी सनें सारे मेदवारें दे नां शामिल न। इस दौरान निर्वाचन आयोग नै चुना ते उ-चुना दे मगरा बिहार- 6 राज्यें ते इक केन्द्र शासत प्रदेश थवां आदर्श आचार संहिता हटाई लैती ऐ।

आयोग नै इस सरबंध्यै च केन्द्र सरकार दे कैबिनेट सचिव ते सरबंध्यी राज्यें दे मुख्य सचिवें
गी चिट्ठी लिखी ऐ। बिहार विधानसभा चुनां- 6 राज्यें ते इक केन्द्र शासित प्रदेश दे 8
निर्वाचन हलकें दे उ॥-चुनां दे कार्यक्रम दी घोषणा मगरा गै उत्थे आदर्श आचार संहिता लागू
होई गई ही।

<><><><><><>

Shah- Northern Zonal Council

गृहमंत्री अमित शाह होर अज्ज हरियाणा दे फरीदाबाद च उत्तर क्षेत्रीय ँरिषद दी बैठक दी
अध्यक्षता करगंन। बैठक च हरियाणा- हिमाचल प्रदेश- ँजाब दे मुख्यमंत्री दिल्ली- जम्मू-
कश्मीर ते लद्दाख दे उ॥-राज्य॥ाल ते चंडीगढ़ दे प्रशासक हिस्सा लैगंन। उत्तर क्षेत्रीय ँरिषद
दी 32मीं बैठक च राज्य सरकारें बश्कार तालमेल- ँनी दी बंड कन्नै जुड़े दे मामलें ते
विकास कम्मै ँर चर्चा होने दी मेद ऐ।

<><><><><><>

Dubai Air Show

दुबई एयर शो अज्जै थवां संयुक्त अरब अमीरात -UAE च शुरू होई रदा ऐ। भारत इस 2
दिन दे आयोजन च अ॥नी शक्ती दा प्रदर्शन करौंग। भारतीय वायु सेना- सूर्य किरण
एरोबैटिक टीम ते एल.सी.ए तेजस दे कन्नै इक एयर-शो च हिस्सा लैंग। रक्षा राज्यमंत्री
संजय सेठ भारतीय प्रतिनिधिमंडल दी अगुआई करगंन। इस दौरै दौरान राज्यमंत्री होर यू.ए.ई
दे रक्षामंत्री हुंदे कन्नै बी बैठक करगंन। ओह भारत- यू.ए.ई - आस्ट्रेलिया- अमरीका- ब्राजील-
ब्रिटेन ते इटली दी लगभग 50 कम्पनियें दे प्रतिनिधियें कन्नै- भारत च रक्षा प्रोद्योगिकी ते
विनिर्माण च सहयोग बढ़ाने आस्तै गोलमेज सम्मेलन दी अध्यक्षता करगंन।

इस एयर-शो च प्रमुख अंतराष्ट्रीय एरोस्पेस कम्पनियें सनें 150 मुख्यें दे इक हजार थवां मते प्रदर्शक ते उद्योग ते कारोबार जगत कन्नै जुड़े दे इक लक्ख 40 हजार थवां मते पेशेवर हिस्सा लै रदे न।

<><><><><><>

UK Immigration Reforms

ब्रिटेन ने अपनी शरण ते इमिग्रेशन नीतिएं च आधुनिक दौर दे सबनें शा बड़े बदलावें दी घोषणा कीती ऐ। गृह मंत्री शबाना महमूद अज्ज हाउस ऑफ कॉमन्स गी संबोधित करडन ते गैर-कनूनी इमिग्रेशन कन्नै निब्वड़ने लेई व्यापक सुधारें दी रूपरेखा पेश करग। एह बदलाव डेनमार्क दे मॉडल थमां प्रेरित न ते इंडा मकसद मजूदा दौर च अनियमित इमिग्रेशन गी रोकना ते सरकार दिएं नीतियें गी सख्त बनाना ऐ। इन्ने योजनाएं दे तैहत, शरणार्थियें गी स्थायी निवास लेई आवेदन करने थमां पैहले 20 बरें तगर इंतज़ार करना होग। शरणार्थी दा दर्जा आरजी होग ते समें-समें पर एहदी समीक्षा कीती जाहग। जेगर कुसै दा गृह देश सुरक्षित होई जंदा ऐ, तां उसी वापस भेजी दिता जाहग। गृह मंत्री होरें आखेआ ऐ जे ब्रिटेन गी एहदे लेई कनून बनाना चाहिदा ते देशें च प्रवेश करने ते रौहने आहले लोकें दे बारे च जानकारी रक्खनी चाहिदी। गृह मंत्री कनून च बदलाव दी बी योजना बना करदिआं न तांजे देशें च शरण देने थमां इनकार दे खलाफ अपील करने दे केई जतनें दी इजाजत बी बवस्था च नेई रवै। ब्रिटेन दे गृह दफ्तरें आखेआ ऐ जे “गोल्डन टिकट” समझौते दे कारण ब्रिटेन च शरण दे दावें च बाददा होआ ऐ।

<><><><><><>

Vice Prez

उपराष्ट्रपति सी.पी.राधाकृष्णन होरें मीडिया संगठनें गी लोकतांत्रिक बवस्था दे चौथे थम्म दे रूप च भूमिका निभाइयै राष्ट्र निर्माण च भागीदार बनने दा आग्रह कीता ऐ। उनें डिजिटल जुगै च झूठी ते भरम भलेखा पैदा करने आहली खबरें दे प्रसार गी रोकने दी फौरी जरूरतें पर जोर दिता।

श्री राधाकृष्णन होरें हैदराबाद दे रामोजी फिल्म सिटी च रामोजी उत्कृष्टता पुरस्कार 2025-दे उद्घाटन समारोह च एह गल्ल आखी। उ'नें मुल्लें-कदरें पर आधारत प्रकारिता च सुरगवासी रामोजी राव हुंदे जतनें दी सराहना कीती। उपराष्ट्रपति होरें उंदी सम्हाला च उत्कृष्टता पुरस्कार स्थापित करने लेई रामोजी ग्रुप दी बी सिफ्त कीती। इस मौके पर केंद्री मंत्री जी . किशन रेड्डी, के .राम मोहन नायडू ते राज्य मंत्री बंडी संजय ते आंध्र प्रदेश दे मुख्यमंत्री एन. चन्द्रयबाबू नायडू बी मजूद हे।

<><><><><><>

Archery GT Open

भारतीय तीरअंदाज कुशल दलाल होरें लक्ज़मबर्ग च जी.टी ओपन इन्डोर वर्ल्ड श्रृंखला दे मर्दे दे कम्पाउंड वर्ग दा खिताब जिती लैता ऐ। कुशल नै साबका विश्व नम्बर इक तीरअंदाज अमरीका दे स्टीफन हैन-सैन गी डबल शूट-ऑफ च हराइयै सुन्नै दा तगमा जितेया। इसदे थवां पहले सैमीफाइनल च कुशल नै विश्व चैम्पियन फ्रांस दे खडारी निकोलस जेराड गी हराया हा। भारत दे गणेश मणिरत्नम नै 21 बरे थवां हेठ आहले मर्दे दे कम्पाउंड वर्ग च कें दा तगमा जितेया ऐ।

<><><><><><>

FIDE Chess

गोवा दे पणजी च कल फिडे शतरंज विश्व कप दे 5में राउंड च मैक्सिको दे खडारी जे.एम अलंका तारा थवां Tie Breaker च हारियै पी. हरिणकृष्ण प्रतियोगिता थवां बाहर होई गे न। हुन टूर्नामेंट दे क्वाटर फाइनल च अर्जुन एरिगैसी इक मात्र भारतीय खडारी रेई गे न। इसदे थवां पहले शनिवारें प्री-क्वार्टर फाइनल दे दुए राउंड च ग्रैंड मास्टर अर्जुन एरिगैसी 2 बारी दे जेतू अमरीका दे खडारी गी हराइयै क्वाटर फाइनल च पुज्जे हे। क्वाटर फाइनल च अज्ज एरिगैसी दा मुकाबला चीन दे जी.एम-वेई-यी कन्नै होग।

<><><><><><>

IMD Weather

तमिलनाडू- पुडुचेरी- कराईकल-आंध्र-प्रदेश- केरल ते माहे च अज्ज मोलाधार बरखा दी शेंका जाहिर कीती ऐ। मौसम विभाग नै अगले 2 थवां त्रै दिनें तगर अंडमान ते निकोबार द्वीप समूह च बक्ख-बक्ख थाहरें ँर गरज कन्नै बूदां-बांदी होने ते तेज हवा चलने दी संभावना जताई ऐ। छत्तीसगढ़-मध्य-प्रदेश- राजस्थान ते विदर्भ च अज्ज सीत लैहर चलने दी शेंका जाहिर कीती गई ऐ।

<><><><><><>